

陝西府縣志輯

中國地方志集成

咸豐同州府志(二)  
光緒同州府續志

陝西府縣志輯 ①⑨

同州府志卷二十七

良吏傳上

水濁魚竭絃急琴摧誰竭衆瘼廉能之歸鄭簡楚敖  
千古一見條宜著庸樹鵠茲傳述名宦傳第一

漢

邢子昂河間人魏太祖時爲行唐令勸民農桑風化大行  
遷左馮翊時人稱曰德行堂堂邢子昂

孔僖字仲和魯人光和二年拜臨晉令崔駰以家林筮之  
謂爲不吉止僖曰子盍辭乎僖曰學不爲人仕不擇官吉

同州府志卷二十七良吏傳上

凶由已而由卜乎在縣三年卒

王阜字代爲重泉令吏民向化驚止學館阜使授官椽  
公沙疊爲張雅樂擊磬鸞乃舉足垂翅應聲而舞

任頽永和間帥陽令時東西羌寇隴西掠關中殺長吏頽  
追擊戰死

曹全字晉完敦煌人建寧二年舉孝廉除郎中遷右扶風  
槐里令遣同產弟憂棄官光和六年復舉孝廉拜帥陽令  
存慰高年撫育鰥寡以家錢糴米粟賜瘡盲大女桃斐等  
合七首葉神明膏與有疾者咸瘳百姓襁負及者如雲載

治牆屋市肆列陳風雨時節步履豐年縣前遺白茅谷水  
災興造城郭開南寺門承望華嶽鄉明而治庸聽事官舍  
廷曹廊閣費不出民役不丁時門下掾王敞等刊石紀功

魏

鄭渾字文公河南開封人遷左馮翊時梁興等略吏民五  
千餘家爲寇鈔諸縣不能禦皆恐懼寄治郡下議者以爲  
當移就險渾曰興等破散竄在山阻今當廣開降路宣諭  
恩信而保險自守此示弱也乃聚吏民治城郭爲守禦之  
備發民逐賊獲十以七賞百姓大悅皆願捕賊多得婦女

同州府志卷二十七良吏傳上

財物賊之失妻子者皆還求降渾責其得他婦女然後還  
其妻子於是轉相寇盜黨與離散出者相繼乃使諸縣長  
吏各還本治以安集之興等懼將餘衆聚鄜城渾率吏民  
前登斬興及其支黨前後歸附四千餘家由是山賊皆平  
民安產業

晉

歐陽建字堅石世爲冀方右族雅有思理才藻美贍爲朝  
邑尹爲政剛果時人爲之語曰渤海赫赫歐陽堅石思焉  
翊太守甚得時譽



范魯字彥長南陽順陽人爲司徒左長史轉馮翊太守甚有政能善於撫綏百姓悅之

索綝字巨秀敦煌人舉秀才除好時令轉長安令在官有稱遷新平太守時劉聰將蘇鐵劉五斗等劫掠三輔除綝安西將軍馮翊太守綝有威恩華戎嚮服賊不敢犯及懷帝蒙塵長安又陷綝與雍州刺史賈疋扶風太守梁綜等糾合義衆頻破賊黨修復舊館遷定宗廟進救新平小大百戰秦王卽位是爲愍帝綝遷京兆尹

北魏

同州府志卷三十七 良吏傳上

三

席法友安定人初仕齊後歸魏以功遷華州刺史恬靜自安不競世利任州以廉和著稱

薛辯字允白河東汾陰人魏東雍州刺史明元深加器重曰朕委卿西蕃志在關右卿宜克終良算與朕爲長安主人辦務農教戰恒以數千之衆摧抗赫連氏帝甚褒獎之伊散代人眞君初爲東雍州刺史恩化大行百姓思之

元熹安定王休子世宗初除華州刺史表曰謹惟州治李潤堡雖是少梁舊地晉芮錫壤然胡夷內附遂爲戎落城非舊邑先代之名爰自國初護羌小戍及改鎮立郡依岳

立州因藉倉府未刊名實竊見馮翊古城羌魏兩民之交許洛水陸之際先漢之左輔皇魏之右翼形勝名都實惟西蕃輿府今州之所在豈惟非舊至乃居岡飲澗井谷穠雜升降劬勞往還數里諄諄明昏有虧禮教未若馮翊面華渭包原澤井洩池平樵牧饒廣採材華陰陸運七十伐木龍門順流而下陪削舊雉功省力易人各爲已不以爲勞昔宋民無井穿井而忻得人況合城無水得水而不家慶竊聞前政刺史非是無意或值兵舉或遇年災緣此契濶稽延至此去歲已熟秋方大登四境宴安京師無事丁

同州府志卷三十七 良吏傳上

四

不十錢之費人無八旬之勤損輕益重乞垂昭鑒遂詔曰一勞永逸便可聽移復除幽州刺史

李叔彪渤海人除假節行華州事爲吏民所稱

奚康生河南洛陽人出爲平西將軍華州刺史頗有聲績唐永北海平齊人耿介有將帥才大統元年拜東雍州刺史尋加衛將軍卒贈司空

高幹渤海人字千奴白水太守以廉平著稱

郭神寶京榮人魏孝武時除洛州刺史孝武西入授行臺尙書潼關大都督齊神武遣大都督竇泰襲宏農時神寶

衆少戰敗乃奔洛州與刺史泉企城守力窮城陷竟爲東魏將高歡曹所擒謂歡曹曰天子之臣乃爲賊所執歡曹素聞其名義不殺送并州見神武言色不屈見害

薛長瑜河東汾陰人天平中爲洛州刺史擊賊潼關沒於陳

王德字天恩代武川人孝武西遷行東雍州事在州未幾百姓懷之大統元年遷北雍州刺史

楊儉字景則華陰人孝武初除北雍州刺史政尚寬惠夷

夏安之大統七年爲都督東雍華二州諸軍事華州刺史

同州府志卷二十七 長吏傳上

五

卒於家

宇文導字菩薩少雄豪有仁惠文帝東征留導爲華州刺

史及趙青雀子伏德慕容思慶等作亂導自華州率所部

兵擊之擒伏德斬思慶進屯涇橋會太祖軍進爵章武郡

公太祖率諸將輔魏太子東征復以導爲大都督華東雍

二州諸軍事行華州刺史導治兵訓卒得定捍之方

宇文深字奴干性頗正大統中歷東雍州別駕使持節大

都督東雍州刺史爲政嚴明示民以信抑挫豪右吏民懷

之

王羆字熊羆京兆霸城人性剛直不彊在官清廉扶惡勵

精公事潛泰間宇文泰將圖高歡令羆率甲士一萬鎮華

州及孝武西遷進車騎大將軍儀同三司除華州刺史大

統元年高歡陷潼關人懷危懼羆勵將士以安衆心歡退

拜驃騎大將軍加侍中開府常修城未畢工東魏遣軌司

馬子如從蒲津宵濟襲羆軍比曉賊已乘梯入城羆尙卧

聞閤外洶洶聲遽起袒跣持白梃大呼而出敵見驚走逐

至東門左右稍集合戰破之軌遂遁走泰聞而壯之時關

中大饑徵民間粟供軍需匿者遞相告民多驚散唯羆誠

同州府志卷二十七 長吏傳上

六

信素孚得粟不少諸州而無怨讟沙苑之役高歡士馬甚

盛泰以州當衝要遣使勞羆令加守備羆曰老羆當道卧

狙子安得過及高歡至城下令羆早降大呼曰此城是王

羆冢生死在此欲死者來歡不敢攻乃涉雒軍許原西後

移鎮河東進爵扶風郡公

王彥河津人文中子通之曾祖也爲同州刺史著政小論

八篇言王霸之業通稱內難而能正其志云

宋稚字季預敦煌人景明二年拜白水縣令在縣十一年

頗得民和

北周

豆盧寧字永安昌黎徒河人大統中拜北華州刺史在州以廉平著稱加散騎常侍從於謹破稽胡帥劉平伏於上郡武成初爲同州刺史復督諸軍討稽胡郝阿保劉柔德等破之軍還遷太司寇保定四年授岐州刺史屬大兵東討與疾從軍五年薨於同州

達奚武字成興代人保定三年爲同州刺史時屬天旱高祖敕武祀華嶽嶽廟舊在山下常所禱祈武謂僚屬曰吾備位三公不能發理陰陽使盛農之月久絕甘雨忝寄既

同州府志卷二十七 長史傳上

七

重憂責實深必須登降展誠尋其靈輿嶽至高峻人跡罕通武年踰六十數人攀援得上於是稽首祈請陳百姓懇誠晚不得還卽於嶽上藉草而宿夢見一白衣人來執武手曰快辛苦甚相嘉尙武驚覺益用祗肅俄而澍雨遠近霑洽高祖聞之璽書勞武子震字猛畧武平初除華州刺史導民訓俗頗有治方秩滿還朝爲百姓所戀

劉亮中山人周文時東雍州刺史爲政清靜百姓安之

薛善字仲良汾陰人太祖欲廣置屯田以供軍費除司農少卿領同州夏陽二十七屯監又於夏陽諸山置鐵冶復

令善爲治監每月役八千人營造軍器善親自督課兼加慰撫甲兵精利而皆忘其勞苦焉論功賜爵龍門縣子韓果字阿六拔武川人天和初授華州刺史爲政寬簡吏人稱之

楊纂廣寧人慷慨有志略天和六年進柱國大將軍轉華州刺史纂性質樸莅職但推誠信吏人懷之

鄭偉字子直榮陽開封人天和六年轉華州刺史莅職以威猛爲政吏人莫敢犯禁盜賊休止

陽猛正光中轉華山郡守移鎮潼關頗有聲績

同州府志卷二十七 長史傳上

八

隋

蔡王智積高祖弟整之子授同州刺史以修謹聞聽政之暇端坐讀書門無私謁有侍讀公孫尙儀山東儒士府佐楊君英蕭德言並有文學時延於坐所設唯果餅酒纔三酌其簡靜如此開皇二十年徵還京第

柳機河東解人周宣帝時拜華州刺史高祖踐阼徵爲納言復出爲華州刺史前後作牧俱稱寬惠

崔宏度字摩阿衍博陵安平人開皇初拜華州刺史御下嚴急警氣令行禁止盜賊屏跡

榮毗字子謙北平無終人開皇中以華陰多盜賊選長史楊素薦爲華州長史世號爲能素田宅多在華陰左右放縱毗以法繩之無所寬貸因朝集素謂之曰舉卿適以自罰也毗曰奉法一心但恐累公所舉時晉王在揚州密占京師消息遣張衡於路次置馬坊以畜牧爲辭實給私人也州縣莫敢違毗還絕其事

唐

王珪字叔玠郿人沈滄寡交又負鑒裁貞觀七年以侍中罷爲同州刺史有善政性不苟察臨官務舉大綱太宗召

同州府志卷二十七良吏傳上

九

拜禮部尙書

尉遲敬德名恭以字行朔州善陽人以吳國公爲同州刺史化民以德民甚戴之貞觀八年九月侍宴慶善宮有班其上者敬德不平任城王道宗解論之敬德勃然拳殿道宗目幾眇太宗不悅而罷名讓之敬德頓首謝由是自戢後轉都督改封鄂國以老就第

褚遂良字登善杭州人永徽元年以中書令爲同州刺史再歲召還進尙書右僕射博涉文史工隸楷書聖教序勒碑

李懷遠字廣德邢州柏人徙同州刺史政尙清簡遷鸞臺侍郎

蘇瓌字昌容武功人長安中徙同州刺史歲旱兵當蕃上者不能赴公宜月增半糧俾相給則不闕蕃又宜却進獻罷營造不急者不見省時十道使活天下亡尸人多竄避瑛請罷十道使專責州縣令天下同日閭政以梃姦匿且免勞獎武后鑄浮屠立廟塔役無虛歲瓌以爲糜損浩廣雖不出國用要自民產又以僧尼濫僞請併寺著僧常數缺則補后善其言神龍中爲尙書右丞後歷相中宗睿宗

同州府志卷二十七良吏傳上

十

封許國公

姚崇字元之陝石人睿宗立爲同州刺史庶政剖決若流民戴其惠開元元年元宗講武新豐名詣行在相見歡甚曰卿宜相朕崇知元宗大度銳於治先設事以堅其意奏曰臣願以十事聞陛下度不可行臣敢辭元宗許其所言公頓首謝翌日拜兵部尙書同中書門下三品

成大琬爲同州刺史先天二年太上皇命有司頒賞諸州朝集使有善政者以大琬爲陝州刺史賜物一百段姜師度魏人開元初遷同州刺史於朝邑河西二縣界就



古通靈陂擇地引洛水及堰黃河灌之以種稻田凡二十餘頃內治屯十餘所收穫以萬計尋遷將作大匠

裴寬聞喜人遷東海太守徙馮翊政務清簡人皆愛之

蕭賁爲馮翊太守至德二載安慶緒陷馮翊郡賁死之

顏真卿字清臣至德二載自憲部尚書御史大夫爲馮翊

太守時郡當破亡悉力撫循雅有惠政徙蒲州民圖像事

之後以宣慰使遇害於蔡州立祠祀焉

敬括字叔弓河東人歷兵部侍郎上柱國周智光已誅議

者健括才選同州刺史兼御史中丞持重清靜不以私害

同州府志卷二十七 良吏傳上

士

公殉殘之餘勞徠備至以理行第一授御史大夫

蕭復字履初改同州刺史歲歉有京畿觀察使儲粟輒發

以貸人有司刻治詔削階停刺史或弔之復曰苟利於人

胡責之辭後拜兵部侍郎

裴向字係仁聞喜人建中初李紆爲同州刺史奏署判官

李懷光叛河中使其將趙貴先築壘於同州紆奔奉天向

領州務詣貴先壘開諭之貴先降累爲棧陽渭南令奏課

皆第一擢戶部員外郎

崔琮字君濟博陵人自長安令擢同州刺史歲歉設倉賑

濟俗葬尚奢靡以致久暴骸骨戒諭愚至俗爲頓易凡豪奪鄉悖陰持吏失朋構訟獄者盡置以法郡城自兵後城郭殆盡琮大興版築民皆悅使不日告成馬志琮德宗時爲同州刺史郡人安患風疾製藥以療之名鎮風丹碑尙存

元稹字微之河南人爲同州刺史急吏緩民收羨財千萬以補亡戶遺租遷御史大夫

蕭儁字思謙蘭陵人敬宗時爲同州刺史有善政

李景溫字德己并州文水人徙華州刺史有善政

同州府志卷二十七 良吏傳上

士

王龜字大年揚州人爲同州刺史牙將白約素暴橫嘗諱

言月廩薄以動士心爲亂龜捕殺之人皆震慄

趙慈景隴西人帝美其姿妻之帝起兵或勸亡去對曰母

以我爲命且安往吏捕繫於獄帝平京師爲華州刺史討

堯君素戰死贈秦州刺史諡曰忠

崔隱甫貝州武城人開元九年自華州刺史遷太原尹民

刊石以誌其政唐書本傳隱甫潔介自守明吏治在職以

強正稱馬志隱甫華州刺史吏民愛畏庭無滯訟

高郢字公楚衛州人父伯祥爲好時尉安祿山陷京師將



誅之郢勿解衣請代賊貨之實應初及進士第爲華州刺史政尙仁靜初駱元光自華引軍戍良原元光卒軍入神策州仍歲餉其糧累刺史不敢自郢奏罷之

袁滋字德深蔡州郎山人爲華州刺史清簡慈惠有流民至者給地居之名其里曰義合未嘗設條教民愛向之有犯令時時法外縱舍得盜賊或哀其窮出財爲償所亡名爲左金吾衛大將軍以楊於陵代之瀕行者老遮道不得去於陵使喻曰吾不敢易袁公政人皆羅拜乃得去莫不流涕

同州府志卷二十七 長吏傳上

七

崔戎字可大博陵安平人舉明經調藍田主簿累拜給事中爲華州刺史吏以故事置錢萬緡爲刺史私用戎不取及去召吏曰籍所置錢享軍遷交海浙密觀察使民擁道不得行乃休傳舍民至抱持取其靴時詔使尙在民泣請使請自天子句戎還使許諾戎戒其下衆曰留公而天子怒不過斬吾二三老人則公不去矣戎單騎夜行民追不及乃止

孔戣宣聖裔華州刺史革弊政救無辜帝嘉之

李絳字深之系本贊皇元和十年爲華州刺史吐突承理

田多在部中主奴擾民絳捕繫之會遣五坊使帝戒曰至華宜自敬絳大臣有奏卽行法矣州有捕鵝戶歲貢貢限絳以爲言并勸止收獵有詔澤潞太原天威府并罷之張敦江浦人自諸暨令轉重泉令民咸悅其化

房啟河南人始爲鳳翔府參軍尙少人望見咸曰眞秀太尉家子孫轉澄城丞益自飭理同官憚伏遷萬年令辨敏絕倫

宗義仲南陽人永泰間以上柱國遊擊將軍自韓城調澄城令有惠政權監察御史

同州府志卷二十七 長吏傳上

七

鄭叔放榮陽人貞元元年授長安尉後宰澄城吏民信服訟簡役均人和歲稔人思慕之立石以識云

胡珣字潤博舉進士上第貞元十一年爲奉先令以治辦遷膳部郎中

鄭楚相字叔教鄭州滎陽人爲澄城令用簡成賦由平頒役人閑歲安風清雲明孫士良等請命朝省貞元十一年詔諭銘紀功德於其理所之南門

崔希高仁孝友悌遷馮翊令憫憐貧乏時有雲氣如蓋當其廳事須臾五色錯雜遍於州郭狀聞勅編入史

雲得臣武德七年爲馮翊治中自龍門引河溉田六千餘頃

李義炎隴西人貞觀中爲華陰尉縣忽失一人莫知所在其父兄以讐家所害陳情義炎案之不能決夜中執燭據案俛首不覺死人卽至帶被傷之狀云某乙打殺置某所井中義炎親往果如所陳當時聞見者莫不驚歎

裴炎之永徽中爲同州司戶參軍年少不主曹務州刺史李崇義輕之論曰三輔事繁子盍求便母留此炎之唯唯後積案數百李公警曰子何自侮成吾過耶由是名動一

同州府志卷二十七長吏傳上

五

州號霹靂手

李夷簡爲鄭縣丞涇軍之亂有使走驢東去甚急夷簡入白刺史曰聞京城有故此使必非朝命請執問之果朱泚使於朱滔者

五代

韓建字佐時許州長社人從楊復光攻黃巢於長安巢破復光亦死建無所屬迎僖宗於蜀僖宗還長安建爲潼關防禦使華州刺史州數經大兵戶口流散建披荆棘課農桑出入閭里問其疾苦兵民賴以生全

牛存節字肇正青州博昌人太祖卽位遷鄜州留後同州

劉知俊叛奔鳳翔乃遷匡國軍節度使友珪立朱友諒叛附於晉西連鳳翔公東西受敵同水敵而無井友諒與岐兵合圍持久欲以渴疲之存節擇地鑿井八十水甘可食友諒卒不能下未帝立加同中書門下平章事

徐懷玉亳州雋夷人少事梁太祖天復四年遷華州觀察留後以兵屯雍州拜保大軍節度使太祖崩朱友諒附於晉襲鄜州懷玉被殺

邊蔚初仕後唐爲華州記室莊宗伐蜀大軍出於華下時

同州府志卷二十七長吏傳上

五

華方闕帥詔令權領軍府供億軍需甚有幹濟之稱

段思恭澤州晉城人以門廕奏署鎮國軍節度使官開運初出爲華南等州觀察支使劉繼勳節度同州辟爲掌書記繼勳入朝會契丹入汴軍士喧譟請立思恭爲州帥思恭諭以禍福拒而弗從乃止

宋

張美字元珪清河人拜定國軍節度縣官市木關中同州歲出絹錢數十萬以假民長吏十取其一謂之率分錢歲至數百萬美不取未幾他郡有詣關訴長吏受率分錢者

皆命償之

唐重字聖任眉州彭山人大觀三年進士知同州金人已陷晉絳將及同重縱州人使出自以殘兵數百守城以示必死金人疑有備不復渡河詔擢天章閣待制高宗卽位以天章閣直學士知京兆

曹琮字寶章真定靈壽人仁宗時知邠州元昊反拜同州觀察使久之兼同管勾涇原路兵馬定國軍節度觀察留後劉平石元孫敗關輔震恐琮欲誘吐蕃角圍賊得西川舊賈使諭意沙州鎮王子遣使奉書願率首領爲朝廷

同州府志卷二十七

長史傳上

七

擊賊帝善琮策改陝西副都督總管經略安撫招討副使與夏竦屯鄜州還爲馬軍副都指揮使以疾卒諡忠恪小心謹畏御軍整嚴死時家無餘貲

王吉甫字邦憲政和二年以開封少尹出守同州寬猛得宜鄉邦頌焉

李世輔清渭人歷鄜延副將金人陷延安授承宣使知同州父永奇以世爲宋臣命必歸宋世輔至同州會元帥撒里喝來州以計執之馳出城至雒河舟後期不得渡與追騎屢戰皆勝已愁高原見追騎益多乃與撒里喝折箭爲

誓不得殺同州人遂推之下崖追兵爭救得免世甫趨鄜城間關歸朝高宗大悅勞賚有加賜名顯忠仕至大尉開府儀同三司

寇準字平仲下邳人咸平初知同州盡心民事每日有一時之間則有一時之滯居三年徙鳳翔府

明鎬字化基密州安邱人以進士第知同州未逾月闕同州廂軍得材武者三百餘人教以強弩奏爲清邊軍號最驍悍其後陝西河東頗倣置之安靜有體遇事不苟世所推重

同州府志卷二十七

長史傳上

七

陳堯佐字希元閩州閩中人第進士以試秘書省校書郎知朝邑邑人方保吉誣以事降徙下邳主簿明道中知同州復徙永興軍有善政初太后遣宦者起浮圖城中前守盡毀古碑碣充磚甃用堯佐奏敕州縣完護之

司馬池字和中夏縣人有文行仁宗時知同州性質易不飾廚傳以清勤仁厚聞

趙尙寬河南人知同州勤於爲政治有異等之效

趙瞻字大觀盩厔人熙寧三年知同州七年朝廷患錢重議以交子權之命其制置曰有本楮足恃法乃可行如山



空券是罔民也義不合移知陝州

韓晉卿字伯修密州安邱人以五經中第知同州奏課第

一

鄭驥字潛翁信之玉山人元符進士高宗初知同州兼沿

河安撫使金將婁宿犯同州及韓城驥遣兵拒險擊之師

失利金人乘勝至城人皆遁去驥曰所謂太守者守死而

已翼日城陷赴井死贈通議大夫樞密院學士諡威愍賜

廟愍節

張暉幽州大城人宋初遷華州團練使有治狀

《同州府志卷二十七 履歷傳上》

九

范祥字晉公邠州三水人進士及第自乾州推官遷殿中

丞歷知華州提舉陝西銀銅坑冶鑄錢祥曉達財利建議

變鹽法後人不敢易

梁彥通字貫之鄆州須城人紹聖二年西鄙進築諸城而

潼關衝難守臣紹彥通知華州事時鄜延修城調七州保

甲華在其中衆聳懼彥通以意慰遣且版示衆曰旬浹之

役近在邊隅不與頃歲入界同也衆乃趨命屬歲不登斗

米錢五百彥通括廩得數十萬斛平價踰半躬親視糴糴

者踵入活以萬計民頌其惠事聞朝廷詔使者閱實使者

奏如民言卽召對將顯用而疾卒

曹瑋字寶臣眞定靈壽人天禧三年德明寇柔遠若以瑋

爲華州觀察使鄜延路副都總管委乞骨咩大門等族聞

瑋至歸附者甚衆拜鎮國軍節度觀察留後復華州觀察

使承興軍改彰武軍節度使卒

李丕緒仕衡子以父廕通判同州居官廉靜不爲矯激至

司農卿

吳元亨字子正歷馮翊令馮翊華陰以漆沮爲境中有美

田民相與爭之五十餘年吏不能決元亨檄華陰令會境

《同州府志卷二十七 履歷傳上》

三

上按兩鄉之籍徧履其田執度以度之皆得其實自是民

不敢復爭

吳時字仲道邛州人進士知華州鄭縣轉運使檄州運米

五萬輸長安鄭獨當三萬時貽書使者曰會三萬斛之費

以車則千五百乘以水則五萬夫縣民可役者纔二百五

十八戶耳古者用師則贏糧以養兵無事則移兵以就食

誠能移兵於華則前費可免華雍相去百六十里一旦欲

用朝發而夕至矣使者從其言

張戢字天祺邠人登進士第歷官秘書著作郎太常博士

監察御史裏行嘗攝令蒲城時民悍寇訟倍他邑散悉寬條禁訟至庭必以理敦喻使無犯法召父老使之教子弟服學省過作記善簿民有小善悉以籍之月給以俸錢爲酒食召高年聚縣廨以勞之使其子孫側侍多方勸令孝弟

馬揚字伯鷹東平人宋宣和中及第爲御史以直言廢皇統間起蒲城令博學才辨爲政簡靜

錢若水字澹成一字長卿河南新安人雍熙間舉進士爲同州觀察推官有富家小女奴逃亡不知所之奴父母訟

同州府志卷二十七 長吏傳上

王

於州命錄事鞠之錄事嘗貸錢富民不獲乃劾富民父子共殺女奴棄屍水中遂失其屍富民不勝榜楚自誣服具上州官審覆無反異若水疑之留獄數日一旦謂州屏人言曰若水所以留其獄者密使人訪求女奴今得之矣知州驚曰安在若水因密使人送女奴於州知州乃垂簾引女奴父母問曰汝今見汝女識之乎曰安有不識因出示之父母泣曰是也乃引富民父子悉破械縱之其人號泣曰微使君某滅族矣知州曰推官之賜也人傾家貲飯僧爲若水祈福知州欲奏論其功若水固辭曰若此當置錄

事於何地耶知州嘆服

司馬且字伯康夏縣人以父任歷鄭縣主簿鄭有婦商訟奪人田者家富市黨買吏合爲奸設十年不決且閱案情僞立見黜吏十數輩寃者以直又并元慶豪欺鄉里且擒致於法時且年尙少人皆驚服

王睦汴人華陰尉爲官廉潔清慎不忍鞭扑而心性明敏張汝明字舜文廬陵人徙眞州登進士第歷華陰主簿華陰修岳廟費鉅財窘汝明嚴與爲期民德其不擾相與出力佐役如斯而成他廟非祀典者則毀潯州縣二十年未嘗干進徽宗擢監御史

同州府志卷二十七 長吏傳上

王

張甫爲華州推官日用倉粟惡吏當追賠錢數百萬轉運使李紘以吏屬甫乃令斗米春之可棄者十纔二三又試之亦然吏遂得弛繫所賠錢纔數十萬而已紘因薦甫遷職

盧斌開封人端拱中爲永興軍華州巡檢時大賊侯尙劉渥劫興平櫟陽殺捕賊官二人斌率兵掩襲且追且鬪薄南山渡渭水抵鳳翔復至耀州擒斬殆盡以勞改供奉官

金

鄭建充貞元三年以金吾上將軍爲節度使性明果勇於任事在州多所興除時河衝蒲坂濱河民不任修護歲役馮翊兵數千人建充條罷其役關輔饑人鬻於軍者等驅虜詔許放良多務掩匿建充聞遣數百人又以弩繕葺廟學士民愛戴肖像生祠泮宮

張可用字之才潞陽人大定末爲定國軍節度副使兼同州觀察副使提舉河防事廉靜明決政尙威嚴境內民安盜息又重修廟學

張鉉字鼎臣河東人明昌三年爲定國軍節度副使兼觀

同州府志卷二十七 長吏傳上

至

察副使提舉河防學校政平訟理士民悅服

李復亨字仲修河津人興定五年以參知政事出爲安定

軍節度使有會計才興利除害爲當時所推重元光元年

城破自殺贈資德大夫知河中府事

完顏訛可爲同州節度使宣宗興定時元兵取同州訛可死之

女奚烈幹出仕至棧州刺史被行省牒徙州人於金勝堡已而大兵至幹出拒戰中流矢病創卧花帽軍張提控言兵勢不可當宜速降幹出曰吾曹坐食官祿可忘國家恩

乎當力戰而死至夜張提控引數人持兵杖以入脅幹出使出降初棧州人遷金勝堡多不能至軍事判官王謹收遺散之衆別屯周安堡周安堡不繕完樓堞置戰守之具兵至謹拒戰十餘日內潰被執不屈而死詔幹出與謹各贈官六階升職三等

趙規字君模中都安次人以蔭補官大定間來尉澄城勸課農桑安集疲氓察奸惡恤貧乏憎強暴破梟賊杜請托之門絕奸邪之路邑人立祠

李革字君美河津人大定間進士遷韓城令同知州事納

同州府志卷二十七 長吏傳上

至

富商賂以歲課軍須配屬縣革獨不聽提刑司以爲能遷河北東路轉運都勾判官

艾元老字長卿大興人承安間任澄城知縣寬而能斷嚴

而不苛興廢修墜百事具舉前主簿馬炳亨物故遺六女

一孫甫幼咸擇配而婚之秩滿百姓立祠記石

喬君章平陽人正隆中任蒲城縣丞有異政碑

李完字道全馬邑人登進士第調澄城主簿有遺愛民爲

立祠

張穀字伯英隴頭人大定間進士改同州觀察判官貽出



兵備邊州徵箭十萬限以鴈雁羽爲其價翔躍不可得數  
日矢去物也何羽不可節度使曰當須省報穀曰州拒京  
師二千里如民戀何萬一有責下官身任其咎一日之間  
價減數倍尙書省如所請

沃側宗室麻吉子從攻陝西爲右翼都統攻城破敵皆與  
有功師還正授謀克遷華州防禦使屬關中歲饑盜賊充  
斥沃側募兵討平之部以無事郡人列狀丐留

元

完顏石住從太宗攻下鳳翔同州有功賜號入都兒佩銀

同州府志卷二十七

長吏傳上

五

符爲同州管民達魯花赤

呂或字伯充河內人知華州勸農興學具有成效及代民  
留之

亞哥爲同州達魯花赤值久旱禱雨祝神曰得雨蘇民願  
以女給侍左右雨果隨注霑足少霽報女暴死州民感其  
德遂以遺體塑像於後殿至今尙存每歲本州享祭必有  
雨應

赤只兒瓦反至正十九年爲澄城縣達魯花赤是歲夏五  
月大旱徧禱羣神竟獲甘澍六月終縣南遵教社飛蝗害

稼公奉幣告奠蝗入隣境歲不爲災

薛文暉字彥輝丹陽郡人前至元二十七年以從仕郎知  
澄城縣事剛方清慎勞績著聞獄空訟簡時和年登常捐  
俸金以修廟學

郝思仁字德甫平陽人元貞元年以徵仕郎知澄城曆經  
史重儒術居官任公臨事有決廉而不矯和而不同爲政  
甚有能聲

竇本字可立奉先人竇禹鈞之後以徵仕郎知澄城接人  
以禮御下以寬潔已公勤處事精詳終雲陽同知

同州府志卷二十七

長吏傳上

五

張玉字德潤固始人至正中知蒲城有文武才畧爲政不  
事表暴不設防畛賦均訟簡時大軍縱掠民間蹂躪旁邑  
公修保伍嚴警備軍不犯境民賴以安

吳惟敬字敬禮長安人泰定四年任澄城主簿清正公平  
尤能折節下士人皆尊仰兩仕闕中俱有政聲

明

張雲翼鄠縣人爲同州同知以政績著聞

崔璽字廷用騰驤左衛人以進士知同州當刻裏之後一  
用仁恕爲理出以廉明時譽翕然

王明福河南府人分署潼關理刑允衡規整肅御下色笑不假倉斗級著大屨帶納戶糧名曰舡鞋習爲陋規公知其弊卽杖於通衢自是收糧得輕平人戴之

楊謹行鄆陽人以明經知同州公勤仁慈民皆愛慕陞知府

秦銘字日新南陵人以國子生知同州廉明公敏卓有善政暇日程課諸生寒暑不倦同之人文自茲起擢布政司參政

錢茂律字大呂臨海人舉人景泰初守同州志趣高潔才

同州府志卷二十七

長吏傳上

三

華穎敏政清澤洽增設學舍嘗勒官箴於石人以比甘棠

云

梁萬鍾字天賜江州人進士成化末知同州才具機敏勤於民事時關中饑萬鍾發倉賑貸又勸富民輸粟煮粥多所濟活

李昊益都人舉人宏治中知同州政尙寬簡心多慈祥

張才鼎信陽州人進士宏治中知同州政尙威嚴人皆畏

懼陞湖廣荊州府同知

李洪字文淵新河人舉人正德中知同州能平其政刑

劉啟東字伯陽羅山人舉鄉試第一嘉靖間以能治劇調知同州在官清勤百務畢具前學舍傾圮諸生多散啟東激勵義民新之生徒復聚簿書之暇輒身往督勵爭務協洽精義之學擢西安同知

梁恩字子承巴陵人進士嘉靖中知同州同故無郵使者多迂道至民苦供億恩禁弗應嗣後遂絕諸臺有徵於州者輒以不便民自免至逢怒弗改也居四載陞西安郡丞聞仲字字定夫代州人舉人任同州知州下車剔弊舉廢數月而治巨盜劉漢聚衆肆掠悉搜捕置法民喜形於謠

同州府志卷二十七

長吏傳上

夫

去之日行李蕭然

傅希孟字仲道蒲州人舉人嘉靖間知同州性簡素質直去家不兩舍知交絕跡嘗奉檄度田履畝按覈不

攜庖餼第齎市餅而已冰操三年如一日遷漢中府同知

陳煜字光宇諸城人進士隆慶中以工部郎中左遷知同州剛直敏斷常乘挽車循行田野境內震慄劉官營大盜

盤牙連歲官民莫敢誰何煜出不意提兵勦擒之犬不夜吠居僅數月復擢南刑部郎中

丁有周字宗武陵人舉人以國子助教出知同州才雋

機警在政廉平往例新生入庠釀金饗使君有周曰吾送子弟就師而爲我治具不例施耶自攜樽觴博士三爵而別三年論最擢戶部員外

李際春字元卿安陽人舉人知同州御下嚴正門庭肅然好賢愛士出於至誠第性任簡亢卽上官貴遊無阿承左遷長史王使驛從來迎稱疾謝歸

韓塏字允高任邛人以舉人知同州訥讷有丰稜爲政嚴峭人望而畏之然愛士憐才喜勸勵復不憚修繕勞費嘗築錢半壞城甃水道起東門麗譙皆爲百千年規而不損

同州府志卷三十七 良吏傳上

五

上屬下至今賴之播紹興府同知

羅文俊長治人舉人知同州無苛政歲省徭賦九百金

高登明字公野翼城人舉人知同州明習吏事法平允不設什排不遺一隸而賦完訟清民皆樂業有壞姪婦胎脇所仇者公曰澆風不可長也下令禁諭俗爲之易徭賦有可節者裁七百餘金三年陞保定府同知

鄭壁字子良內江人進士以憲僉左遷知同州約已愛民下車盡罷一切私徵蒐剔奸蠹病民者歲省數千金時議行條鞭壁奏記極言不便而尤不便於同謂同民貧且力

農利用布粟不便輸金也遂不果行後數年其言果驗民感服三年以察廉內陟

張一英字保之慶都人舉人知同州時荒寇爲厲百務竭蹶悉心調濟綽有治勳刻馬副使州志

胡惟俊洪武初知華州時兵燹後生理未復野多曠土官舍惟存廢基惟俊招流亡給耕具又伐木陶瓦鑿石以建

諸公署越二年華民漸殷後徵太僕卿行李蕭然

王宗智知華州精於吏治而飾以文雅時太平日久郡中無事民俗醇樸公乘暇與同知孟玕判官王權學官沈亨

同州府志卷三十七 良吏傳上

手

張厚輩從容山澤循行原野觴詠賦詩郡中稱治考最陞

山西參政

范斌榆次人舉人永樂中知華州性仁恕撫字得宜不畏

強禦有犯法者笞之不服退而鳴鼓聚衆聲言赴奏斌卽

抵其舍擒獲渠省悔輸款卽縱去不與愚民較渠無後怨

衆皆悚服後以憂去州民赴關保留加參議俸復知華州

卒於官

劉整進士知安定陞華州明達能文吏不敢欺歲久諸公署做整葺一新不費民財陞陝西按察司僉事